


R. P. JOANNIS
GABASSUTI
 AOUISEXTIENSIS
 PRESBYTERI CONGREGATIONIS ORATORI
DOMINI IESU
 NOTITIA
ECCLESIASTICA
 HISTORIARUM CONCILIORUM ET CANONUM
 FECUNDINUS
 EDITIO SEPTIMA
 AB IPSO AUGOTORI CORRECTA PLURIMUM AUCTA
 QVORUM PRIMUS EST DISSEMINATIO N. CONCILIORUM



VENITIIS
 EX TYPOGRAPHIA BAPTISTONIANA
 MDCCPXXII
 SUPERIORUM PERITISSIMO

EMINENTISSIMO, ET REVERENDISSIMO DD.

HIERONYMO GRIMALDO

S. R. E. CARDINALI,

Aquarum sextiarum Archiepiscopo, Mecoenati meo.

*Spectatum satis & donatum jam rude, quaris
Mecenas iterum antiquo me includere ludo,*



ATIS superque Tuæ Eminentiae auspiciis in arenam
 prodiisse, atque inter Athletas decertasfe vifus fueram
 duorum editione Operum, Notitia Conciliorum, No-
 titiaque & praxi Canonici Juris; quibus peractis receptui canere, dein-
 cepsque quieta missione perfrui nihil jam meo jure videbar; cum mihi
 nihil tale cogitanti nova tua jussio accessit præfens istud Opus concin-
 nandi, & cenuo in arena ex qua discesseram periclitandi, novumque
 cūdendi volumen, quo uberior & plenior scientiæ Ecclesiastice peritia
 suppeditaretur. Atque ita post exhibita quasi ludicra & velitationes,
 tota demum & decretoria decernerem acie. Universæ sane Ecclesiæ
 perspecta est illa tua vere Pastoralis sollicitudo, major omni præconio,
 Clericos informandi tum sanctitate morum, tum rerum Ecclesiasticarum
 peritia. Idipsum omnibus prædicant Tua illa sanctissima instituta, &
 leges religiosissimæ, quibus ad perfectionis culmen niteris subjectos Tibi
 Clericos provehere. Id palam enunciat amplissimum illud Aquense Se-
 minarium tuis sumptibus a fundamentis erectum, magnificeque dota-
 tum, ex quo velut ex Academia sacrae Scientiæ & virtutum omnium
 officina, quotidie prodire certimus instruētissimos Clericos, consumma-
 tosque ac indefessos Operarios, qui vineam Domini, quæ Ecclesia est,
 excolunt; ex eaque vitiorum stirpes evellunt, summaque sedulitate ad
 virtutum Christianarum fructus copiosos ac proventus uberes adducunt.
 Ad hæc vero emolumenta existimasti nonnihil præsidii conferre posse
 injunctum mihi abs Te munus colligendi ex Conciliis, quotquot es-
 sent, præcipue utilitatis Canones, eosque invicem conferendi, eorum-
 que sensum ubi opus esset explicandi: hisque adjungendi ad singula
 fæcula brevem & expeditam Ecclesiastice historiæ narrationem, recen-
 sione Scriptorum illustrum, quos Deus in progressu temporum Ecclesiæ
 sua providit, intextam.

Deus quidem providens ne Sacerdotium vilesceret, plerosque corpo-
 reos & naturales defectus in veteri Lege observari voluit, quibus qui
 affecti essent, a sacri Sacerdotii dignitate prorsus excluderentur, quales
 in Levitici libro permultos legimus. In Lege pariter Evangelica per-
 multi hujusmodi defectus, sub nomine *Irregularium*, homines a mysti-
 co Sacerdotio aliisque Sacris Ordinibus arcent. Sed multo major apud
 Deum, ejusque Ecclesiam ratio semper habita fuit vitiorum animi, ne
 his laborantes ad sacra Ministeria prorsus admitterentur. Cumque duæ
 sint animæ facultates, quæ vivam Creatoris Dei referunt imaginem,
 nosque